

Cafournette aimot Bien aller de ville en ville avec son Bauclet
il aimot faire le père Noël l' Bauclet heureuse ed vis les enfants
rire il voutot faire du vélo D'appartement l' Bauclet lui dis
tu ventraîne pour le tour de France tu pédalle plus
J' sus en décente dis Cafournette bien tu va rien Meinger
dis Cafournette Je fai rumeident dis le Bauclet
si tu a mal à tes dents il faut aller vis le dentiste

Alais

L' Baudet et cafourniette

L' Baudet s'in'allot avec cafourniette

il connaissot s' kemin un Bieu jour l' Baudet rencontre
ein Belle jument qui'elle lui faisot d'l'oeuil

L' Baudet voulot d'aller avec qui'elle

Mais cafourniette l'empichot l' Baudet ne voulot rien

savoir cafourniette lui dis à s'morcille qui allot avoir
un Bon rayot carottes

L' Baudet continu es kemin avec cafourniette

in oubliant la jument tout in prinsant au carottes

Alain

Ch'horoscope à tiot Martin, de Géry Herbert

Y a des fos, su ch'marché d'Kimbrai, i n a in.ne fin.me qu'alle vind des horoscopes et pi qu'alle édvin.ne chou qui va vos arriver dins l'année. Jé n'sais pos du qu'alle va rassaquer tout cha, mais, pou chou qui n est d'jacter, ch'est in.ne vraie quaterlin.

Alle ravisse des jus d'cartes, alle édminde quind ch'est qu'in est vnu au mon.ne, alle dit qu'éch tilal ch'est un pisson, équ l'eute ch'est un taur ou bin ocor in.ne équervisse. Mi, j n'y coprinds rin à tout sin patriquache, mais y a toudis des gins qui vienttent comme qui dirot à l'consulte. I donntent à cheulle drolesse in.ne copure éd mille frincs, pis chelle chi alle leu offère in.ne tiote fuele imprimée (in.ne espèce d'ordonnance éd médecin, quo!) et pis un tiot caillau.

Des fos ch'est un guin.ne, des fos un rouche ou bin un noir. Feut l'mttre au caud dins un saquelet inter és piau et pis s'quemisse, pour qu'cha faiche éd l'effet ; comme in.ne médalle.

Un samedi qu'ég m'apertos pou vir si qu'à Kimbrai ég porros m'acater in.ne casaque, vu qu'él min.ne a n'est pus fort méttape, ém' file a m'dit : " Si que t'vos chelle fin.me qu'alle vind des horoscopes, édmin.ne-zi chou qu'ég vas avoir, cha fait deux mos qu'je m' sus pos revue. Tiens, vlà in.ne copure éd mille frincs. Et rappelle-te qu'ég j'sus venue au mon.ne él vin.n'chonq du mos d'octope, quéquefois qu'te ne l'saros pus."

Arrivé su ch'marché, ég comminche pa acater in.ne casaque in vl'ours comme in faisot dins l'timps, vu qu'achteure ch'est revenu à l'mote. I n'a qu'él coutince qu'alle a quingé. Après cha, je m'mets à surquer pis à rwettier pa tous côtés pou aperchuvor él fin.me-là. Éj n'a i pos eu trop d'russes, in faisot queue padvint sin boutique comme à l'boulingerie pindint l'guerre.

Arrife min tour et j'dis à chelle fin.me qu'ég vorros un horoscope pou l'vin.n'chonq du mos d'octope.

Latipos qu'alle revise dins m'main, pis qu'alle dit qu'ég va vife au monsse tout'qu'à quatre vints ins.

Après cha alle erwette sus ses lifes, pis a m'dit qu'éch jour-jà chelle balinche alle est dins l'mason d'éch' solau et pis qu'ch'est in.ne bonne cojonction ; mais qu'i faut qu'ég faiche attintion rapport à in.ne fin.me blon.ne qu'alle est jalouse éd mi.

A m'dit aussi qué j'vas être ocore grind-père d'un tiot fiu. Et pou finir a m'donne un tiot caillau bleu, à mette su m'piau pour déjouquer min romatique. J' li ai donné chés sous, pis j'ai té boire in.ne pinte in attendint l'autobus. Cha m'avot assapi.

Arrivé à no mason, ém file, qu'ch'est inne malin.ne, a m'fait des coplimints pou m'casaque in disint : "Papa te vlà rajeuni d'dix ins. AVEC tes longs caviaux, t'es à l'mote, assuré. Et pis chelle fin.me, quo qu'alle t'a dit ?"

E j'li raconte tout l'actéchisme qu'alle m'a fait, tous les baques qu'alle avot à ses dogts, et pis qu'allo cor avoir un tiot fiu." Ém' file alle étot cotinte éd savoir cha, vu qu'elle a déjà in.ne tiote. Pis je li ai donné sn'horoscope in disint : "chelle fueule ch'est pour ti ; mais ch'caillau ch'est pour mi sogner min romatique. Va falloir équ'te m'faiche un tiot saquelet in étamine, vu qu'éch caillau di dot doquer su m'piau ; ch'est pou l'pin.ne à min co".

Él lindmain, pindint qu'elle étot à queue chelle mallette, ém file a m'dit : "Nos avons fait in.ne rute affaire : avec seulemint un billet nos avons eu deux consultes, in.ne pour ti et in.ne pour mi."

Ch'étot pourtint vrai chou qu'alle disot là. Comme min père i répéto toudis : 'y a pos pus malin qu' des gins".

Sept mos après ch'l'affaire-là, ém file alle avot un tiot fiu. Alle l'a appelé Johnny, rappport à un déchouleur d'quinchon.nes qu'alle a ker à écouter. Mais i n'a eu qu'él mitin d'éch l'horoscope éd bon. Min romatique, i m'fait cor un mal du diape et i a bin follu qu'éch l'apothicaire i m'don.ne des droques pour m'soulager in.ne nioche.

Ch'est comme cha, in n'a eu pou nos sous, in n'feut pos voler deux consultes pou l'prix d'in.ne.